

UGOVOR o nabavci robe

Zaključen između Ugovornih strana:

AKADEMIJA SCENSKIH UMJETNOSTI SARAJEVO ul. Obala Kulina bana br. 11, Sarajevo (u daljnjem tekstu: Kupac) kojeg zastupa dekan Akademije prof. Srđan Vuletić, s jedne strane

Audio video Consulting d.o.o., Sarajevo, ul. Azize Šaćirbegović 7, Sarajevo (u daljnjem tekstu: Prodavac) kojeg zastupa Nermin Dizdarević, direktor, s druge strane

Ovaj Ugovor se zaključuje na osnovu Odluke o izboru najpovoljnijeg ponuđača broj 05-2/512-VII od 13.10.2020. godine a koja je donesena nakon provedenog postupka Konkurentskog zahtjeva za dostavu ponuda, za koji je dana 25.09.2020. godine na Portalu javnih nabavki BiH objavljeno Obavještenje o nabavci broj 304-7-1-8-3-3/20

I PREDMET UGOVORA

Član 1.

Predmet ovog ugovora je nabavka robe – Nabavka BEŽIČNI KONTROLER OBJEKTIVA (u daljem tekstu: Roba), za potrebe i po zahtjevu Ugovornog organa, na način i pod uslovima utvrđenim u tenderskoj dokumentaciji, i ponudi Prodavca broj: T-39-10-2020 od 12.10.2020. godine, koja je sastavni dio ovog Ugovora.

II CIJENA

Član 2.

- (1) Ugovorne strane saglasno prihvataju cijenu navedenu u Ponudi Prodavca u ukupnom iznosu od 10.478,30 KM (slovima: deset hiljada četiristina sedamdeset osam 30/100) bez PDV-a.
- (2) Cijena robe iz stava (1) ovog člana obuhvata sve troškove do isporuke robe na adresu krajnjeg korisnika: Akademija scenskih umjetnosti, Obala Kulina bana 11, 71000 Sarajevo.
- (3) Ugovorena cijena iz stava (1) ovog člana je fiksna i nepromjenjiva.

III MJESTO ISPORUKE

Član 3.

Mjesto isporuke robe iz člana 1. ovog Ugovora je :
Akademija scenskih umjetnosti
Obala Kulina bana 11
71000 SARAJEVO

IV ROK I NAČIN ISPORUKE

Član 4.

Prodavac se obavezuje da će opremu iz člana 1. ovog Ugovora isporučiti u svemu pod uslovima iz ponude prodavca (vrsta, kvalitet, oznaka proizvođača, zemlja porijekla, cijena, itd.) i to u roku od 15 dana od dana stupanja na snagu Ugovora.

Prodavac je dužan da robu isporuči u originalnom pakovanju. Isporuka podrazumijeva i predaju detaljne tehničke i korisničke dokumentacije neophodne za korištenje i održavanje robe.

Član 5.

Kupac se obavezuje da preuzme opremu iz člana 1. ovog Ugovora pod uslovima i u količini iz ponude Prodavca.

Prilikom preuzimanja robe sastavlja se zapisnik o prijemu robe koji potpisuju ovlaštena lica Ugovornog organa i Prodavca.

Član 6.

Prodavac je dužan da ovlaštenu osobu Ugovornog organa blagovremeno obavijesti o svim nepredviđenim okolnostima i slučajevima koji onemogućavaju izvršenje nabavke u roku iz člana 4. ovog Ugovora.

Prodavac je dužan da ovlaštenu osobu Ugovornog organa pismenim putem obavijesti odmah, a najkasnije 48 sati nakon pojave nepredviđenih okolnosti, kako bi isti, cijeneći nastale okolnosti, mogao da razmatra mogućnost eventualnog produženja ugovorenog roka.

Za svaki dan zakašnjenja u isporuci robe do koje je došlo krivicom Prodavca, Prodavac se obavezuje da Ugovornom organu na ime ugovorne kazne plati 0,2% od ugovorene vrijednosti robe, a najviše 5% od ukupno ugovorene vrijednosti robe.

Prodavac je dužan platiti ugovornu kaznu u roku od 7 (sedam) dana od dana prijema zahtjeva za plaćanje od Ugovornog organa.

Ugovorni organ neće naplatiti ugovornu kaznu ukoliko je do kašnjenja došlo usljed više sile.

Pod višom silom se podrazumijeva slučaj kada ispunjenje obaveze postane nemoguće zbog vanrednih vanjskih događaja na koje Prodavac nije mogao uticati, niti iste predvidjeti.

V NAČIN PLAĆANJA

Član 7.

Ugovorne strane su saglasne da će Ugovorni organ izvršiti plaćanje preuzete opreme u roku od 15 (petnaest) dana od dana prijema potpisane i ovjerene fakture od strane Prodavca.

Prodavac dostavlja fakturu na adresu Akademije scenskih umjetnosti navedenu u ovom Ugovoru, nakon izvršenja svih ugovornih obaveza.

VI OBAVEZE UGOVORNOG ORGANA

Član 8.

Ugovorni organ se obavezuje da:

- prodavcu odredi termin za isporuku predmetne robe,
- izvrši pregled isporučene robe,
- da plati primljenu fakturu Prodavca u skladu sa članom 7. ovog Ugovora.

VII OBAVEZE PRODAVCA

Član 9.

Prodavac se obavezuje da:

- izvrši sve radnje neophodne da roba bude spremna za prijem kao što su: pakovanje, otprema, utovar, prevoz i osiguranje, obavljanje svih neophodnih administrativnih i komercijalnih formalnosti,

te prevoz i istovar na adresi krajnjeg korisnika, provjera funkcionalnosti i kontrola svih funkcija i sve druge usluge u smislu pripreme opreme za prijem;

- snosi sve rizike do konačnog prijema opreme od strane krajnjeg korisnika;
- izvrši isporuku predmetne opreme na mjestu i u roku utvrđenom ovim Ugovorom;
- kvalitetno i uredno izvrši ovaj Ugovor u skladu sa nalogima Ugovornog organa, važećim propisima, pravilima i standardima struke za ovu vrstu posla, štiti prava i interese Ugovornog organa, te ga obavještava o toku realizacije Ugovora;
- riješi eventualne reklamacije Ugovornog organa potpisane od strane ovlaštenog predstavnika Ugovornog organa;
- ispostavi fakturu za isporučenu opremu.

VIII GARANCIJA

Član 10.

Prodavac daje garanciju Ugovornom organu da oprema iz člana 1. ovog Ugovora odgovara u svemu tehničkim normativima i važećim propisima.

Prodavac garantuje funkcionisanje i tehničke karakteristike opreme iz člana 1. ovog Ugovora i odgovoran je za sve eventualne nedostatke i defekte na isporučenoj opremi.

Garantni rok za isporučenu opremu je definisan u svemu prema Tenderskoj dokumentaciji i ponudi Prodavca broj: T-39-10-2020 od 12.10.2020. godine, koja čini sastavni dio ovog Ugovora.

Član 11.

U garantnom roku Prodavac se obavezuje da odmah započne sa popravkom ili zamjenom i otklanjanjem kvarova i nedostataka na isporučenoj opremi, ali najkasnije u roku od 2 (dva) dana od dana prijema opreme od strane Ugovornog organa.

Prodavac preuzima neispravnu i vraća popravljenu opremu u Sarajevu ili kroz mrežu ovlaštenih servisa.

Sve popravke u garantnom roku padaju na teret Prodavca.

Ukoliko Prodavac ne bude u mogućnosti da započne otklanjanje kvarova i nedostataka u roku od 2 (dva) dana od dana prijema obavještenja od Ugovornog organa, Ugovorni organ ima pravo da sam otkloni nedostatke ili da ovaj posao povjeri trećem licu o trošku Prodavca.

IX RASKID UGOVORA

Član 12.

Ugovorni organ ima pravo raskinuti ovaj Ugovor i pravo na naknadu eventualne štete u slučaju ako Prodavac u cijelosti ili djelimično ne izvrši obaveze iz ovog Ugovora u ugovorenom roku, a koje nisu rezultat kašnjenja preuzetih obaveza Ugovornog organa.

Ugovor može biti jednostrano raskinut dostavom pismene obavijesti drugoj ugovornoj strani (15) petnaest dana prije raskida.

Obavijest mora sadržavati razlog raskida ugovora.

U slučaju raskida ugovora, Ugovorne strane su saglasne da će u svemu izvršiti međusobne uzajamne obaveze nastale do tog roka, u skladu sa realizacijom ovog Ugovora.

X ZAVRŠNE ODREDBE

Član 13.

Ugovorne strane su saglasne da se na sve međusobne odnose koji nisu definisani ovim Ugovorom, neposredno primjenjuju odredbe Zakona o obligacionim odnosima.

Član 14.

Ugovorne strane su saglasne da sve eventualne sporove rješavaju sporazumno, a u slučaju da sporazum nije moguć, ugovara se nadležnost stvarno nadležnog suda u Sarajevu.

Član 15.

Ovaj Ugovor stupa na snagu potpisom i ovjerom ovlaštenih predstavnika Ugovornih strana.

Član 16.

Ovaj Ugovor je sačinjen u (4) četiri istovjetna primjerka, od kojih po (2) dva primjerka zadržava svaka Ugovorna strana.

ZA PRODAVCA


Direktor

SARAJEVO
avc
Audio Video
Consulting d.o.o.
Ul. Aziza Saćirbegovića 7

Broj: 22-10/20

Datum: 22. 10. 2020. godine

AKADEMIJA SCENSKIH UMJETNOSTI




Dekan, Srđan Vuletić, prof.

Broj: 03-6/577

Datum: 20.10.2020.